



Norsk Landbruksrådgiving Vest Sa
Postboks 197
6821 SANDANE

Referanser:
Dykkar: Liv Lyngstad
Vår: 21/10618 - 22/5021

Saksbehandlar:
Roba Al Serhan
roba.al.serhan@alver.kommune.no

Dato:
19.01.2022

Svar på søknad om kommunalt tilskot til Norsk landbruksrådgiving Vest for 2022

Administrativt vedtak: Saknr: 068/22

VEDTAK:

Alver kommune løyver kr 25.000 i driftsstøtte for 2022 til Norsk Landbruksrådgiving Vest SA. Det vert sett som vilkår for løyvinga at landbruksavdelinga i Alver kommune kan nytta NLR Vest til eiga kompetanseheving innanfor løyvd sum.

Tilskottet vert dekkja av konto: 1 4700 teneste 3290 ansvar 71 30 og vert utbetalt til kontonummer 3705 31 31 922.

Saka gjeld :

Norsk Landbruksrådgiving Vest SA søker om kommunal driftsstøtte for 2022 i søknad motteke 17.12.2021.

Norsk Landbruksrådgiving er ein viktig aktør for landbruket innan rådgjeving, kursverksemd, informasjonsarbeid generelt og kunnskapsutvikling.

I søknaden trekkjer dei fram viktige satsingsområde:

- Koronapandamien har hindra dei fysiske arrangementa. Det har ikkje vert det same med digitale webinar, fagmøte og kurs. Dei fysiske arrangementa vil fremleis vere viktige.
- NLR Vest vil tilby «Klima Førsteråd», der rådgjevar og bonde saman utarbeidar ein klimaplan med forslag til klimatiltak på garden, basert på utrekningar i klimakalkulatoren. Klimaplanen gjev grunnlag for å søke RMP — tilskot. Aktuelle tiltak kan vere dei som gjev betre jordhelse og god jordkultur, dei som aukar produksjonen på eigen gard og bruk og produksjon av fornybar energi. NLR har utvikla rådgjeving for fornybar energi i landbruket. Nye fokus og fagområde krev opplæring, og NLR Vest har 15 rådgjevarar med kompetanse for klimarådgjeving på gardsnivå. Dei vil kunne gje råd om tiltak tilpassa Vestlandet.

- Dei siste månadene har det vore stor prisauke på gjødsel og energi. Det skapar utfordringar for mange bønder. Situasjonen vil truleg halde fram gjennom heile 2022. Rådgjevarane har drøfta korleis dei best kan hjelpe bøndene i ein vanskeleg situasjon, og er klare for å gje gode råd. Vi vil mellom anna ha fokus på god agronomi, slik at verknaden av både husdyrgjødsel og mineralgjødsel vert best mogleg.
- NLR Vest har rådgjevarar med spesialkompetanse på helse, miljø og sikkerheit i landbruket. I tillegg til oppfølging med vernerunde for medlemmer som har HMS-avtale, tilbyr HMS-rådgjevarane hjelp til bønder i ein krisesituasjon. Det kan vere økonomisk krise, bønder som er i ein vanskeleg livssituasjon eller som har fått psykiske helseproblem. Rådgjevarane samarbeider med bedriftshelsetenesta i desse saken, og krisehjelpa er gratis for bøndene.
- Rådgjevarane i NLR Vest skal ha kjennskap til offentlege krava, og gje gode råd slik at bonden handlar i tråd med dei forskrifter og lover som gjeld.
- Økonomirådgjevarane våre følgjer opp og gjev råd i samband med driftsplanar og søknader til innovasjon Norge. Våre rådgjevarar har brei erfaring og godt nettverk, og kan foreslå løysingar eller peike på utfordringar som bonden sjølv ikkje ser. Betre økonomisk resultat i landbruket og utvikling av næringa, gjev auka verdiskaping og sikrar arbeidsplassar på gardane, som igjen medverkar til inntekt i kommunen.
- Informasjon frå oss til landbruksnæringa på Vestlandet: I løpet av 2021 har podkasten vår, Vestlandsbonden, blitt svært populær og har no over 5000 nedlastingar.
- NLR Vest yter tenester til alle bønder, også til dei som ikkje er medlemar. Vår kompetanse kan kome alle bønder til gode. NLR Vest får tilskot frå kommunar og gjennom jordbruksavtalen. Reell verdi av tilskota reduserast kvart år, og for å oppretthalde aktiviteten har vi auka eigenbetaling frå medlemmene, effektivisert drifta og teke på oss ulike oppdrag. Ein del av aktiviteten vår vert finansiert med prosjekttilskot frå Fylkesmannen og Fylkeskommunen.

VURDERING:

NLR Vest gjer ein viktig jobb for bøndene og er dei fremste fagrådgjevarane me har på sine felt.

Det er viktig å gje driftsstøtta for å sikra eit godt rådgjevingstilbod for landbruket. Spesielt i tida med klimaendringar, svak økonomi og nye gjødselkrav på trappene er det viktig med eit velfungerande rådgivingsapparat. Alver kommune ynskjer å ha ein tett dialog med NLR Vest til det beste for landbruket i regionen vår. Både gjennom direkte formidling til bonden, men også gjennom kunnskapsheving innan jord- og plantekultur for oss tilsette ved landbruksavdelinga i kommunen. På grunn av Koronapandamien har det vore mindre samarbeid i 2021. Alver kommune v/Landbruksavdelinga ser fram til vidare samarbeid i 2022.

Konklusjon :

Alver kommune yter kr 25 000 i driftsstøtte til NLR Vest SA.

Med vennleg helsing
Alver kommune, Landbruk

Laila Bjørge

Roba Al Serhan

Avdelingsleiar

Rådgjevar Landbruk

Dette dokumentet er elektronisk godkjent og har derfor ingen signatur.

Mottakarar:

Norsk Landbruksrådgiving Vest Sa

Postboks 197

6821

SANDANE